

parágrafo primeiro e 4; 30; 31; 32; 34; 35; 36, números 1 e 2; 37; 39, números 3 e 4; 40; 41; 43; 44; 45; 46; 47; 48; 49; 50; 51; 52; 53 e 54 e as disposicións adicionais segunda; quinta; sexta, número 3; sétima e décima e a disposición transitoria terceira.

4. O contido normativo íntegro desta lei é de aplicación directa nos territorios das cidades de Ceuta e Melilla, coas seguintes precisións:

a) A potestade que a alínea b) do número primeiro do artigo 10 recoñece á lei para reducir a porcentaxe de reserva de vivenda sometida a algún réxime de protección pública e a de determinar os posibles destinos do patrimonio público do solo, de entre os previstos no número 1 do artigo 39, poderán ser exercidas directamente no plan xeral.

b) A porcentaxe a que se refire a alínea b) do número 1 do artigo 16 será a do 15 por cento, que o plan xeral poderá incrementar motivada e proporcionadamente ata o 20 por cento nas actuacións ou ámbitos en que o valor dos soares resultantes ou do seu incremento, se for o caso, sexa sensiblemente superior ao medio dos incluídos na súa mesma clase de solo.

5. O disposto nesta lei aplicarase sen prexuízo dos réximes civís, forais ou especiais, alí onde existen.

Disposición derradeira segunda. *Desenvolvemento.*

Autorízase o Goberno para proceder, no marco das súas atribucións, ao desenvolvemento desta lei.

MINISTERIO DA PRESIDENCIA

10893 *CORRECCIÓN de erros do Real decreto 821/2008, do 16 de maio, polo que se regulan as condicións de aplicación da normativa comunitaria en materia de hixiene dos pensos e se establece o rexistro xeral de establecementos no sector da alimentación animal.* («BOE» 153, do 27-6-2008.)

Advertidos erros no Real decreto 821/2008, do 16 de maio, polo que se regulan as condicións de aplicación da normativa comunitaria en materia de hixiene dos pensos e se establece o rexistro xeral de establecementos no sector da alimentación animal, publicado no Boletín Oficial del Estado, suplemento en lingua galega número 7, do 2 de xuño, procédese a efectuar as oportunas rectificacións:

Na páxina 754, artigo 7.1, onde di: «...no artigo 6.2 deste real decreto e nos anexos I e II do Regulamento (CE) n.º 183/2005,...», debe dicir: «no artigo 6.2.g) e nos anexos I e II do Regulamento (CE) n.º 183/2005...».

Na páxina 755, anexo I, alínea a), onde di: «Número de autorización...», debe dicir: «Número de identificación...».

Na páxina 756, anexo IV, número 1 (2), letra l, onde di: «establecementos que realicen unha actividade de fabricación incluída nos números 1.a, 1.b e 1.c do artigo 10 ...», debe dicir: «establecementos que realicen unha actividade de comercialización incluídos nos números 1.a e 1.b do artigo 10...».

MINISTERIO DE MEDIO AMBIENTE, E MEDIO RURAL E MARIÑO

10971 *ORDE ARM/1859/2008, do 25 de xuño, pola que se modifica o anexo I do Real decreto 1999/1995, do 7 de decembro, relativo aos alimentos para animais destinados a obxectivos de nutrición específicos.* («BOE» 156, do 28-6-2008.)

A Directiva 94/39/CE, do Consello, do 25 de xullo, pola que se establece unha lista de usos previstos dos alimentos para animais destinados a obxectivos de nutrición específicos, foi incorporada ao noso ordenamento xurídico polo Real decreto 1999/1995, do 7 de decembro, relativo aos alimentos para animais destinados a obxectivos de nutrición específicos

A Directiva 2008/4/CE, da Comisión, do 9 de xaneiro de 2008, pola que se modifica a Directiva 94/39/CE con respecto aos alimentos previstos para a redución do risco de febre puerperal, modificou o contido do mencionado alimento en función do ditame do 12 de xuño de 2007, da Autoridade Europea de Seguraza Alimentaria.

Por iso, procede a incorporación ao noso ordenamento da devandita directiva a través da oportuna modificación do anexo I do Real decreto 1999/1995, do 7 de decembro.

Na tramitación desta norma foron consultadas as comunidades autónomas e as entidades representativas dos intereses dos sectores afectados.

Esta orde dítase ao abeiro da disposición derradeira primeira do Real decreto 1999/1995, do 7 de decembro, que faculta o ministro de Agricultura, Pesca e Alimentación para que, no ámbito das súas competencias, poida ditar as disposicións necesarias para adaptar o contido dos seus anexos ás correspondentes modificacións da normativa comunitaria.

Na súa virtude, dispoño:

Artigo único. *Modificación do anexo I do Real decreto 1999/1995, do 7 de decembro, relativo aos alimentos para animais destinados a obxectivos de nutrición específicos.*

Na parte B do anexo I do Real decreto 1999/1995, do 7 de decembro, relativo aos alimentos para animais destinados a obxectivos de nutrición específicos, o contido do obxectivo de nutrición específico «redución do risco de febre puerperal» substitúese polo que figura no anexo.

Disposición derradeira primeira. *Incorporación de dereito da Unión Europea.*

Mediante esta orde incorpórase ao dereito español a Directiva 2008/4/CE, da Comisión, do 9 de xaneiro de 2008, pola que se modifica a Directiva 94/39/CE con respecto aos alimentos previstos para a redución do risco de febre puerperal.

Disposición derradeira segunda. *Entrada en vigor.*

Esta orde entrará en vigor o 30 de xullo de 2008.

Madrid, 25 de xuño de 2008. -A ministra de Medio Ambiente, e Medio Rural e Mariño, Elena Espinosa Mangana.

ANEXO

«Obxectivo de nutrición específico»	Características nutritivas esenciais	Especie ou categoría de animais	Declaracións da etiquetaxe	Período de utilización recomendado	Outras indicacións
1	2	3	4	5	6
Redución do risco de febre puerperal	<p>– Baixo contido de calcio</p> <p>ou</p> <p>– Baixa relación catións/anións</p> <p>ou</p> <p>– Alto contido de ceolita (aluminosilicato de sodio sintético)</p> <p>ou</p> <p>– Alto contido de calcio en forma de sales cálcicos altamente dispoñibles</p>	Vacas leiteiras	<p>– Calcio</p> <p>– Fósforo</p> <p>– Magnesio</p> <p>– Calcio</p> <p>– Fósforo</p> <p>– Sodio</p> <p>– Potasio</p> <p>– Cloruros</p> <p>– Xofre</p> <p>Contido de aluminosilicato de sodio sintético</p> <p>Contido total de calcio, fontes e os seus respectivos contidos de calcio</p>	<p>De 1 a 4 semanas antes do parto</p> <p>De 1 a 4 semanas antes do parto</p> <p>As dúas semanas anteriores ao parto</p> <p>Comezo cos primeiros síntomas de parto, e ata os dous días seguintes a este</p>	<p>Indíquese no modo de emprego: «Suspende a administración despois do parto»</p> <p>Indíquese no modo de emprego: «Suspende a administración despois do parto»</p> <p>Indíquese no modo de emprego: – «A cantidade de penso restrinxirase para garantir que non se exceda unha dose diaria de 500 g de aluminosilicato de sodio por animal» – «Suspende a administración despois do parto»</p> <p>Indíquese no envase, recipiente ou etiqueta: – As instrucións de uso, é dicir, o número de administracións e o período antes e despois do parto. – O texto «Recoméndase consultar un experto en nutrición antes de o utilizar».</p>